

BUDDER BREZEL OIS

ZUBEREITUNGS-VERSION MIT CRUSHED EIS OND SALZ



Kälte isch subber Interessant. Deswege han I zamma mit'm Kälte Eckert a subber luschtiges ond oifaches Rezept entwickelt, also Kocha mit Kälte:

Budder Brezel Ois isch subberlegger ond wird sobald mr d'Eismasse hot, en ca. 5-10 Minudda frisch g'shaked! Du kansch au andre Sacha in die Grundmasse A neimacha z.B. Vanilleextrakt, Früchte was au emmer Du mogsch. Des isch au en subber Partyspaß weil Du des Eis von de Gäsche schüttla lassa kansch! Die Mengenangabe isch gut für ca. zwoi Persona.



A

Zutata Eis Grundmasse:

125-150 ml Milch
125-150 ml Sahne
2 EL Zucker

B

Für d'r G'schmack:

a halbe Budder Brezel
5-10 kloine Salzstanga Lauga Brezzla
(au gut mit Schoglaad überzoga)

C

Oms Eis zom Macha:

Crushed Eis
150-250 gr Salz ca. 6-8 EL
Gefrierbeutel 1 L (kloi)
Gefrierbeutel 3 L (groß)
Boide verschließbar oder mit so Klammern
Handschuhe ond a große Schüssel

WAS PASSIERT DAHANNA?

Die Verbindung von Eis ond Salz hot m'r früher scho verwendet, om Getränke zom Kühla. Des Salz enzieht dem Eis Energie ond bringts zom schmelza. Des wird ca. -21 Grad kalt. Deswäga bringts em Winter au nix, Salz zom streua, wenn's kälter isch wie -21 Grad. Woisch b'scheid ge.

SO WIRD'S G'MACHT:

1. Zuerscht amol elle Zutata von A in a Schüssele oder en Becher gäba ond a bissle verrühra.
2. Die Brezel em Mixer kurz mixa damit so kloine Bröckele hosch. Die kloine Salzstanga Brezzla oifach mit der Hand bissle zerdrugga ond Naidoo wie d'r Xavier.
3. Jetzt tusch die Grundmischung A en d'r kloine 1 L Gefrierbeutel und dazu die zerbröselte Brezel (ca. a Halbe Brezel) ond Salzstanga B. Bissle vermixa ond schüttle ond wenn meeglich koi Luft meeh drenna lassa ond verschließba damit nix nausläuft.
4. D'r große 3 L Beutel machsch jetzt zor Hälfte voll mit Crushed Eis. Dann kippsch da ordentlich Salz nei. So 6-8 Esslöffel. Dr Beutel kurz durchschüttla.
5. Jetzt tusch d'r 1 L Beutel in dr 3 L Beutel neilega ond machsch den große Beutel au so zu dass wenig Luft dren isch ond nix nauslafa kann.
6. D'r geilschte Teil kommt jetzt: Du schüttelsch des ganze Paket locker durch au amol dräha ond so. Am beschda zu ziehsch Handschuhe ah weil des bruddaal kalt wird. Nach ca.7-10 Minudda müsst des Eis fesched sei. Oifach mal checka ond kneta.
7. Zom serviera nimmsch d'r kloine Beutel raus. Bissle uffpassa weil der Beutel außa salzig isch. Jetzt uff d'r Teller ond genießba!
8. N'Guada!